

**AN FORAS TAIGHDE AR OIDEACHAS (ERC)  
FOLÚNTAIS DO PHOIST LÁNAIMSEARHA MAR CHÚNTÓIRÍ TAIGHDE (2)**

**Cúntóirí Taighde – Gaeilge**, obair ar dtús a bhaineann le **Meastóireacht na Scéime Aitheantais Scoileanna Gaeltachta** (post buan; post sainchuspóra)

Ba chóir do **gach** iarratasóir céim onóracha (1 nó 2:1) a bheith acu i ndisciplín ábhartha (m.sh., síceolaíocht, staitisticí, oideachas, eolaíocht shóisialta, léann Éireannach). Is **inmhianaithe** go mbeadh iarchéim i ndisciplín ábhartha ag an iarratasóir; taithí taighde (mar shampla, riarachán suirbhé; teagmháil le scoileanna; agus anailís staitistiúil ar shonraí cainníochtúla agus/nó cáilíochtúla); eolas ar thrialacha teanga a fhorbairt; agus/nó láncheadúnas tiomána.

**SCÁLA TUARASTAIL: €33,710 – €46,628**

**Tabharfar an post buan don iarratasóir roghnaithe. Cruthófar painéal amháin nó níos mó ná sin óna bhféadfaí folúntais dá leithéid céanna a líonadh sa todhchaí. Beidh na painéil i bhfeidhm do thréimhse 12 mí ó spriocdháta na n-iarratas agus d'fhéadfaí síneadh 6 mhí breise a chur leis sin.**

*Déanfar na ceapacháin ar bhonn téarma-seasta (cuspóir ar leith luaite) nó buan agus é sin faoi réir ag tréimhse promhaidh a bheith comhlíonta go sásúil.*

Tá tuilleadh eolais faoin Scéim Aitheantais Scoileanna Gaeltachta ag:  
<http://www.erc.ie/programme-of-work/measunu-ar-an-sceim-aitheantais-scoileanna-qaeltachta/>

Beidh gearrliostú i gceist. Meastar go dtabharfar cuireadh d'iarratasóirí ar an ngearrliosta chun measúnú gairid scríofa a dhéanamh (trí ríomhphost) taobh istigh de sheachtain nó dhó tar éis an spriocdháta, leis na hagallamh ar tarlú seachtain nó dhó tar éis an mheasúnaithe scríofa.

**Caithfidh** iarratasóirí iad seo a bheith san áireamh sna hiarratais:

- litir chumhdaigh a dhéanann cur síos ar an tslí ina sásaíonn scileanna agus taithí an iarratasóra riachtanais an phoist/na bpost
- curaclam vitae
- ainmneacha agus sonraí teagmhála beirt mholtóirí

**SPRIOC DHÁTA: 5.00 IN, DÉ HAoine, 19 Meitheamh, 2020.**

chuig: [vacancies@erc.ie](mailto:vacancies@erc.ie)

*(Ba chóir go gcruthódh iarratais ar ríomhphost uathfhreagra – muna bhfaigheann tú freagra go luath tar éis duit d'iarratas a chur isteach déan teagmháil le Patricia Gaffney ag [Patricial.Gaffney@erc.ie](mailto:Patricial.Gaffney@erc.ie)*

# Sonraíocht Post

## Cúlra

Bunaíodh an Foras Taighde ar Oideachas (FTO) mar Chomhlacht Reachtúil i gcomhréir leis an Acht Oideachais (1998) i mí Mheán Fómhair 2015, ach bhí sé ann ó mhí Eanáir 1966, agus tá sé lonnaithe ar Champas Ollscoil Chathair Bhaile Átha Cliath (DCU), Campas Choláiste Phádraig, i nDroim Conrach. Déantar taighde ar iarratais ón Roinn Oideachais agus Scileanna agus ó ghníomhaireachtaí eile (m.sh., NCCA nó NCSE) agus ar thosaíocht na foirne san FTO. Déanann an Foras soláthar freisin ar sheirbhís mheasúnaithe don chóras oideachais, mar shampla, trialacha caighdeánacha a fhorbairt agus a dháileadh don úsáid ag scoileanna. Tá tuilleadh eolais ar fáil ar láithreán gréasáin an FTO ag [www.erc.ie](http://www.erc.ie).

## Na Poist

*Déanfar na ceapacháin ar bhonn buan nó téarma-seasta (ag brath ar Chlár Oibre an FTO) agus é sin faoi réir ag tréimhse promhaidh a bheith comhlíonta go sásúil.*

### Riachtanais do gach iarratasóir (príomhriachtanais):

- Céim onóracha (1 nó 2:1) i ndisciplín ábhartha (m.sh. síceolaíocht, staitisticí, anailísíocht sonraí, oideachas, eolaíocht shóisialta)
- Líofacht láidir sa Ghaeilge labhartha agus ardleibhéal cruinnis sa Ghaeilge scríofa.
- Scileanna ar anailís staitistiúil (inniúlacht SPSS nó a leithéid san áireamh)
- Sárscileanna idirphearsanta agus cumarsáide, go háirithe an cumas teagmháil a dhéanamh le scoileanna agus le hinstiúidí agus/nó eagraíochtaí oideachasúla eile
- Sárscileanna pleanála agus eagraíochta
- Sár-éifeachtacht phearsanta, solúbthacht agus réiteach fadhbanna
- An cumas a bheith ag obair as a stuaim féin agus go comhoibríoch

agus tá ceann amháin nó níos mó díobh seo **inmhianaithe**:

- Iarchéim i ndisciplín ábhartha (m.sh. síceolaíocht, staitisticí, anailísíocht sonraí, oideachas, eolaíocht shóisialta, léann Éireannach)
- Taithí ar bhogearraí nasctha bainistíochta sonraí a úsáid (m.sh., Microsoft Access)
- Taithí a bheith ag obair i dtimpeallacht taighde
- Anailís cháilíochtúil ar shonraí
- Eolas ar ghnóthaí oideachasúla
- Eolas ar thrialacha teanga a chruthú agus a chaighdeánú
- Taithí ar shuirbhéanna i nGaeilge a fhorbairt.

Is **inmhianaithe**, ach níl sé éigeantach, láncheadúnas tiomána glan a bheith agat agus rochtain ar charr do chúiseanna oibre ócáideacha bainteach leis an obair.

## Príomhdhualgais

Beidh sé i gceist go ndéanfaidh gach iarratasóir rathúil:

- Cabhrú le hobair riaracháin ghinearálta (m.sh. teagmháil le scoileanna agus le gníomhaireachtaí/comhlachtaí eile)
- Ionstraim a ullmhú nó a leasú (m.sh., trialacha, ceistneoirí) don úsáid i dtionscnaimh
- Cabhrú le bainistiú na mbunachar sonraí
- Freastal ar chruinnithe agus dul i dteagmháil le gníomhaireachtaí seachtracha maidir leis na tionscnamh a bhíonn dáilte

- Cuardaigh agus athbhreithnithe litríochta a dhéanamh faoi fheitheoireacht
- Gníomhaíochtaí maidir le sonraí a phróiseáil agus a chodáil faoi fheitheoireacht
- Anailís staitistiúil a dhéanamh (m.sh., SPSS, HLM, MPLUS a úsáid) faoi fheitheoireacht
- Cuidiú le tuairiscí a scríobh
- Tacú le tionscadail eile an FTO (m.sh., trí ábhair a aistriú go Gaeilge)
- Aon dualgais eile a dhéanamh a d'fhéadfaí a dháileadh ó am go ham.

Ar aon dul le treoir sláinte poiblí, meastar go mbeidh an iarratasóir rathúil/na hiarratasóirí rathúla ag obair ón mbaile ag an tús, le tacaíochtaí cuí ón FTO. A luaithe nach mbíonn na srianta i bhfeidhm, atosóidh an obair i bhfoirgneamh an FTO (Droim Conrach, Baile Átha Cliath), leis an rogha socruithe oibre solúbtha a iniúchadh.

**Scála Tuarastail: €33,710 – €46,628**

Déanfar na ceapacháin ar Scála Cúntóra Taighde don Earnáil Phoiblí ag pointe atá de réir Polasaí Pá an Rialtais faoi láthair, le hiontrálaithe nua ag tosú ag an gcéad pointe den scála.

**Tabharfar an post buan don iarratasóir roghnaithe. Cruthófar painéal amháin nó níos mó ná sin óna bhféadfaí folúntais dá leithéid céanna a líonadh sa todhchaí. Beidh na painéil i bhfeidhm do thréimhse 12 mí ó spriocdháta na n-iarratas agus d'fhéadfaí síneadh 6 mhí breise a chur leis sin.**

Caithfidh iarratasóirí iad seo a bheith san áireamh sna hiarratais:

- litir chumhdaigh a dhéanann cur síos ar an tslí ina sásaíonn scileanna agus taitní an iarratasóra riachtanais an phoist
- curaclam vitae
- ainmneacha agus sonraí teagmhála beirt mholtóirí

**SPRIOCDHÁTA: 5.00 IN, DÉ hAOINE, 19 MEITHEAMH, 2020** chuig: [vacancies@erc.ie](mailto:vacancies@erc.ie)

*(Ba chóir go gcruthódh iarratais ar ríomhphost uathfhreagra – muna bhfaigheann tú freagra go luath tar éis duit d'iarratas a chur isteach déan teagmháil le Patricia Gaffney ag [Patricia.Gaffney@erc.ie](mailto:Patricia.Gaffney@erc.ie))*

**Soláthraíonn an FTO timpeallacht oibre sholúbtha, dhinimiciúil agus dhúshlánach agus is fostóir comhionannais é.**